



MINISTÉRIO DAS FINANÇAS
COMISSÃO DA FUNÇÃO PÚBLICA



KONKURSU PÚBLIKU
TERMU REFERENSIA

Nú. Referensia: AAP/1/2026	Instituisaun: Autoridade Aduaneira (AA), Ministériu Finansas (MF)
Kategoria Grau: Tékniku Profisional, Grau C	Diresaun: Autoridade Aduaneira
Area Servisu/Funsaun: Diresaun Nasional sira iha AA Central no/ka iha Munisípiu	Fatin Servisu: - Autoridade Aduaneira, Pizu 6 no 7 iha Torre MF, Aitarak-Laran, Díli
Total vaga: 40	Tipu Konkursu : Públiku
Saláriu Mensal: Saláriu grau \$343 + subsídiu Transporte \$25 no alimentasaun US\$7/loron efetivu servisu (sujeitu ba alterasaun). Nota: Subsídiu Alimentasaun aplika de'it ba sira ne'ebé sei servisu iha área Postos Integrados Fronteira iha loron efetivu servisu nian.	Pozisaun: Oficial Alfandegas
Relata ba: Diretor Nasional	Métodu Selesaun: Selesaun Dokumentus, Prova eskrita no entrevista profisional

A. DESKRISAUN KONTEÚDU FUNSIONAL HUSI POZISAUN:

Autoridade Aduaneira nu'udar servisu ne'ebé responsável atu hala'o knaar Ministériu Finansas nian relaciona ho kontrolu territóriu alfândega nasional ba objetivu protesaun fiskál, ekonómika no sosiál, partikularmente iha kontestu seguransa, ambiente, kultura no saúde pública no, ho halo administrasaun ba kobraisa impostu no taxa aduaneira nian.

Tékniku Profesional Grau C ne'ebé sei koloka ba Diresaun Nasional oin-oin iha Autoridade Aduaneira nia laran, sei ezejuta servisu tékniku ho baze ba lei, tuir regulamentu no prosedimentu administrativu sira ne'ebé iha ona, nomos ho baze ba orientasaun husi superior ierárkiku sira.

Espesifikamente, funsaun Tékniku Profisional Grau C iha Diresaun ida-idak, sei defini iha ida-idak nia Deskrisaun Funsoens, hafoin simu Termu Pose nu'udar ajente administrasaun pública.

B. TERMU REFERENSIA JERAL

DEVERES NO RESPONSABILIDADES JERÁL	INDIKADORES DEZEMPEÑU
1. Fo atendimento ho profisional ba kliente estranjeiru no doméstiku sira, inklui importadór sira, esportadór sira, broker sira, transportadór sira, no ajénsia sira seluk Governu nian.	1.1. Kliente sira hetan atendimento ho profisional no atempadamente 1.2. Nível satisfasaun husi kliente sira ba atendimento AA nian a'as
2. Fasilita atividade komérsiu ne'ebé konsistente ho obrigasaun internasionál Timor-Leste nian inklui Organizasaun Mundiál Komérsiu nian, obrigasaun sira wainhira tama ona ba ASEAN,	2.1. Atividade komersiu hetan asistensia suficiente 2.2. Prosesu sira konsistente ho pratika mundial sira nian;



MINISTÉRIO DAS FINANÇAS
COMISSÃO DA FUNÇÃO PÚBLICA



no tuir padraun Organizasaun Mundiál Alfândega nian.	
3. Utiliza prátika jestaun risku, inteligénsia, no automasaun, asegura ita-nia nasaun nia fronteira sira, no hapara sasán ilegál ka restritu sira atu tama ka sai hosi nasaun.	3.1. Medidas kontrolu ba atividade ilegal iha área fronteira sira la'o efetu 3.2. Númeru atividade ilegal sira reduzidu
4. Asegura kolesaun taxa no impostu sira halo ho loloos, justu no transparente.	4.1. Taxa no imposto husi atividade importasaun no exportasaun rekolla ho transparente tuir lei sira 4.2. Relatório kolesaun taxa no imposto emitidu regularmente
5. Prevene atividade ilegal sira ne'ebé bele fo prejuízo bo'ot ba estadu.	5.1. Atividade ilegal no sasaan kontra-bando sira hetan kontrolu máximu 5.2. Reseitas doméstikas ne'ebé hetan husi kolesaun taxa no imposto aumena
6. Fasilita prosesu komérsiu hodi atraí investimentu liu hosi fasilitasaun atividade negósiu importasaun no exportasaun sasán sira;	6.1. Númeru atividade komérsiu liu-liu atividade importasaun no exportasaun aumentu 6.2. Tempu prosesamentu importasaun no exportasaun reduzidu
7. Identifika no halakon prátika korrupsaun	7.1. Asegura padraun étika, integridade no valor moral ne'ebé aas 7.2. Prátika korrupsaun minimizadu
8. Hala'o kna'ar sira tuir lei Aduaneiro, espesifikamente Kódigu Konduta Aduaneiro nian, no Dekretu Lei no.14/2014 ho nia alterasaun sira,	8.1. Funsan Autoridade Aduaneira nian implementadu ho rigor, profisional ho nível satisfasaun a'as
9. Halo tuir Kódigu Konduta Funsan Públika no Kódigu Étika MF – JFP nian	9.1. Halo tuir ona Kódigu Konduta Funsan Públika no Kódigu Étika MF – JFP nian
10. Hala'o servisu seluk tuir lei, regras instituisaun nian no mós hirak ne'ebé haruka husi superior ierarkia tuir lei ne'ebé iha.	10.1. Servisu seluk orientadu husi superior ierárkiku implementadu ho di'ak tuir espetasaun no nível satisfasaun aas.

**Responsabilidade espesífiku ba funsionáriu ida-idak (Deskrisaun Servisu) sei atribui wainhira Kandidatu selesionadu simu posse ona.*

C. REKEZITUS SELESAUN:

B.1. Rekezitu Jeral (Artigu 14, Estatuto Funsan Públika, Lei 5/2009, 15 Jullu, alterasaun dahuluk husi Lei Nú.8/2004, 16 Juñu)

Atu sai funsionáriu Públiku tenki:

- a) Sidadaun Timor-Leste;

- b) Tinan 17 ka liu maibé labele liu husi tinan 55- maibe ba rekrutamentu ida neé aplika tuir kondisoens hatur iha rekeztus espesífiku.
- c) Laiha kondensasaun ba krime doloza ne'ebé koresponde ba pena prizaun efetiva ba tinan rua (2) ka liu ka prátika aktus ne'ebé manifesta la kompativel ho funsaun sira iha Administrasaun Públika laran/ Livre husi prosesu disiplinár;
- d) Iha kualifikasaun atu prienxe rekeztu tuir regulamentu no deskrisaun servisu nian;
- e) La hetan demisaun husi instituisaun seluk Estadu nian;
- f) Iha kondisaun saúde di'ak, kapasidade fizikamente no iha mentalidade hodi bele hala'o funsaun ne'ebé nia aplika ba;
- g) Iha kapasidade atu uza lian Tetun no Português;

B.2. Rekeztu Espesífiku

- a) Habilitasaun literária mínimu lisensiatura iha área espesífika hanesan; Ekonomia no jestaun, sistema ka jestaun informátika, kontabilidade, finansas, negósiu administrasaun, supply chain managment, komérsiu no direitu/legal.
- b) Esperiensia profisional (estajiú ka servisu voluntáriu) mínimu tinan ida (1) iha área relevante iha instituisaun governu nian iha Ministériu Finanzas sai vantajem ida;
- c) Iha abilidade di'ak atu komunika liu husi hakerek, inklui esperiensia buka informasaun, halo peskiza no análise, apresentasaun dadus no mos prepara relatóriu (analítiku) badak no los;
- d) Iha abilidade atu aprende ho lalais no koñesimentu báziku ba iha sistema autoridade aduaneira nian hanesan ASYCUDA World, Single Window (Janela Úniku) no sistema Informátika Alfandega sira seluk
- e) Iha koñesimentu no abilidade di'ak atu utiliza komputador (Microsoft Office- Word, excel, no power point) no outlook.
- f) Iha kapasidade komunika ho lian Ofisial Tetun ho Portugues, inklui lian Inglês no lian seluk sai vantajem liu tan;
- g) Iha koñesimentu no abilidade báziku ba kompetensia prinsipal Autoriade Aduaneira nian (bele hare iha aneksu 1)
- h) Refere ba pontu b) husi B.1. Rekeztu Jeral maka MF determina idade aplikasaun entre tinan 21 to'o másimu tinan 35 nudar rekeztu espesífika hodi halo selesaun kandidatu ho idade produtivu.

ANEKSU I

KOMPETENSIA PRINSIPAL AUTORIDADE ADUANEIRA (AA)

Ho baze ba artigu 3º husi Dekretu Lei No.2/2020, hatuur kompetensia Autoridade Aduaneiro nian hanesan tuir mai:

- a) Hala'o atividade inspesaun aduaneira, prevene no kombat fraude no evazaun fiskál;
- b) Halo kontrolo ba atividade merkadorias no meiu transporte nian ba efeitu protesaun fiskál, ekonómika no sosiál, liuhosi aplikasaun prosedimentu no kontrolo sira ne'ebé relaciona ho entrada, saída no sirkulasaun sasán sira iha territóriu aduaneiru nasional nia laran;





- c) Halo fiskalizasaun aduaneira ba ema no sasán sira, hala'o asaun kontrolu nian, nomeadamente verifikasaun, inspesaun, auditoria no buska ba ema ho objetivu atu garante kumprimentu ba regulamentu aduaneiru no tributáriu sira;
- d) Prevene no trava fraude no evazaun aduaneiru no fiskál no tráfiku ilísitu, partikularmente droga psikotrópika ho ninia prekursor sira, produktu estratéjiku no produktu sira seluk ne'ebé sujeita ba bandu ka restritu;
- e) Asegura liquidasaun, kobraisa no kontabilidade ba taxa importasaun no esportasaun, impostu seletivu ba konsumu no impostu indiretu sira seluk ne'ebé impoin ba sira;
- f) Garante aplikasaun regra ba sasán sira-ne'ebé hatama mai iha territóriu aduaneiru nian, to'o hetan atribuisaun destinu aduaneiru ida;
- g) Asegura atribuisaun destinu aduaneiru ida ba sasán sira tuir lejislasaun ne'ebé iha;
- h) Asegura kobraisa taxa no imposto sira tuir saida mak estabelese ona iha Kódigu Aduaneiru nian;
- i) Asegura akompañamentu ba prosesu sira ligadu ho prosesu aduaneiro nian iha Tribunál;
- j) Estuda, propoin, koordena, ezejuta no avalia programa no medida sira política aduaneira nian iha relasaun ho rejime fiskál ba impostu indiretu sira ne'ebé impoin ba, no mós sira ne'ebé relasiona ho prevensaun no represaun ba alfândega no fraude fiskál, hodi asegura aplikasaun regulamentu nasional hotu-hotu no internasionál;
- k) Dezenvolve, promove no divulga estratéjia no prosedimentu hirak ne'ebé iha nia kompeténsia no kontribui ba reforma sira iha área ne'ebé relasaun ho Alfândega;
- l) Estuda no promove melloramentu sistema aduaneiru nian;
- m) Promove fórum sira atu fornese informasaun ba públiku, partikularmente kona-ba konteúdu no interpretasaun lejislasaun aduaneira nian, atu nune'e bele facilita publiku ninia kumprimentu ba regras sira;
- n) Promove formasaun ba funsionáriu sira liu husi kolaborasaun institusionál iha ámbitu alfândega nian, hodi permite fluxu efetivu informasaun nian no realizasaun asaun formasaun nian;
- o) Koopera no koordena ho entidade sira seluk, organizaun nasional no internasionál sira, partikularmente liuhosi asisténsia mútua no koordenasaun ho administrasaun alfândega sira hosi Estadu sira seluk, ho hanoin atu troka beibeik informasaun sira kona-ba asuntu sira ne'ebé tama iha sira nia kompeténsia;
- p) Informa ba públiku kona-ba parte ida-idak nia obrigasaun aduaneira no fiskál no fo apoia ba sira hodi kumpre tuir;
- q) Asegura partisipasaun iha serbisu órgaun competente sira no instituisaun sira hosi organizaun internasionál hirak ne'ebé Timor-Leste halo parte, no mós iha kualkér enkontru nasional ka internasionál ne'ebé trata kona-ba asuntu sira ne'ebé iha interesse ba AA;
- r) Dezenvolve no jere sistema informática nian, kontrolu no relatóriu sira, uza sistema sira ne'ebé evolui no integradu ho teknolojia, ne'ebé nesesáriu ba ezersísiu ninia funsaun sira;
- s) Promove estudu no aplikasaun medida legal no administrativa sira ne'ebé garante qualidade, formasaun no integridade funsionáriu AA nian;
- t) Promove aplikasaun loloos ba lejislasaun no desizaun administrativa sira ne'ebé relasiona ho nia funsaun sira;
- u) Ezerse funsaun seluk sira ne'ebé tuir lei haruka;



Aprova husi:

Data:

Santina J.R.F. Viegas Cardoso

Prezidente Painel Júri-Ministra Finansas

Joaquin Pinto

Painel Especialista-Komisáriu Autoridade Aduaneira (AA)-MF

José Telo Soares Cristovão

Membru Painel Júri- Komisáriu Portfóliu Asuntu Planeamentu Forsa
Traballu, KFP